

**Naalakkersuisunut ilaasortanik toqqaaneq**

(Naalakkersuisut Siulittaasuat)

**Saqqummiussissut**

(Naalakkersuisut Siulittaasuat)

Matumuuna Siulittaasoqarfiup Naalakkersuisut katitigaanerisa allanngortinnissaanut inassuteqaammik saqqummiussinissamut ullumi Inatsisartuni ataatsimiinnermi oqaluuserisassanut ilanngussinissannut periarfissaqartimmanga qujavunga.

Inatsisartut aamma Naalakkersuisut pillugit Inatsisartut inatsisaanni § 22, imm. 3 kiisalu Inatsisartut Suleriaasianni § 5, imm. 3 naapertorlugit inassutigaara, Inatsisartut Naalakkersuisunut ilaasortat makkua toqqassagaat:

- 1) Vittus Qujaukitsoq, Nunatta Qitornai.
- 2) Jess Svane, Siumut.
- 3) Karl Frederik Danielsen, Siumut.
- 4) Steen Lyngge, Demokraatit.
- 5) Jens Frederik Nielsen, Demokraatit.
- 6) Anna Wangenheim, Demokraatit.
- 7) Jens Immanuelson, Siumut.
- 8) Ane Lone Bagger, Siumut.
- 9) Martha Abelsen, Siumut.

Inatsisartut aamma Naalakkersuisut pillugit Inatsisartut inatsisaanni § 23, imm. 1-imut naapertuuttumik, susassaqarfiit Naalakkersuisunut ilaasortat akornanni agguarneqarnerat, immikkut nalunaarutigineqassaaq.

Inassuteqaatinni allassimavoq Naalakkersuisuni ilaasortat, siulittaasup saniatigut qulingiluaatillugit, Naalakkersuisuni sulinerup ingerlateqqinneqarnissaa kissaatigigiga.

Taamatut oqaaseqarlunga Naalakkersuisut katitigaanerat pillugu siunnersuut Inatsisartuni kajumittumik suliassanngortippara.